



სსიპ შოთა რუსთაველის ეროვნული სამეცნიერო ფონდის გენერალური
დირექტორის

ბრძანება № 51

2014 წლის 09 აგვისტო

ქ. თბილისი

ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის
სახელმწიფო სამეცნიერო გრანტების 2014 წლის კონკურსის გამოცხადების, კონკურსის
პროგრამა და პირობებისა და საკონკურსო დოკუმენტაციის ფორმების დამტკიცების
შესახებ

„მეცნიერების, ტექნოლოგიების და მათი განვითარების შესახებ“ საქართველოს
კანონის 24¹ მუხლის, „ახალგაზრდა მეცნიერთა უცხოეთში სამეცნიერო-კვლევითი
სტაჟირებისათვის სახელმწიფო სამეცნიერო გრანტის გაცემის წესისა და საგრანტო
განაცხადის შეფასების კრიტერიუმების დამტკიცების შესახებ“ საქართველოს
მთავრობის 2009 წლის 23 ივნისის N120 დადგენილების, „საჯარო სამართლის
იურიდიული პირის - შოთა რუსთაველის ეროვნული სამეცნიერო ფონდის დაფუძნებისა
და მისი წესდების დამტკიცების შესახებ“ საქართველოს განათლებისა და მეცნიერების
მინისტრის 2010 წლის 28 ივლისის N62/ნ ბრძანებით დამტკიცებული წესდების მე-4
მუხლის მე-2 პუნქტის „ბ“, „ე“ და „თ“ ქვეპუნქტებისა და სსიპ შოთა რუსთაველის
ეროვნული სამეცნიერო ფონდის სამეცნიერო საბჭოს 2014 წლის 25 თებერვლის N3
სხდომის ოქმის საფუძველზე

ვბრძანებ:

1. გამოცხადდეს 2014 წლის „ახალგაზრდა მეცნიერთა უცხოეთში სამეცნიერო-
კვლევითი სტაჟირებისათვის სახელმწიფო სამეცნიერო გრანტების 2014 წლის
კონკურსი“;
2. დამტკიცდეს „ახალგაზრდა მეცნიერთა უცხოეთში სამეცნიერო-კვლევითი
სტაჟირებისათვის სახელმწიფო სამეცნიერო გრანტების 2014 წლის კონკურსი“-ს
პროგრამა და პირობები ამ ბრძანების დანართი N1-ის შესაბამისად;
3. დამტკიცდეს „ახალგაზრდა მეცნიერთა უცხოეთში სამეცნიერო-კვლევითი
სტაჟირებისათვის სახელმწიფო სამეცნიერო გრანტების 2014 წლის კონკურსში
მონაწილეობის შესახებ“ განცხადების ფორმა ამ ბრძანების დანართი N2-ის შესაბამისად;
4. დამტკიცდეს ახალგაზრდა მეცნიერთა უცხოეთში სამეცნიერო-კვლევითი
სტაჟირებისათვის სახელმწიფო სამეცნიერო გრანტების 2014 წლის კონკურსზე
წარსადგენი საპროექტო წინადადების ფორმა ამ ბრძანების დანართი N3-ის შესაბამისად;

5. დამტკიცდეს „ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის სახელმწიფო სამეცნიერო გრანტების 2014 წლის კონკურსი“-ს საგრანტო პროექტის ბიუჯეტის ფორმა ამ ბრძანების დანართი N4-ის შესაბამისად;

6. დამტკიცდეს სარეკომენდაციო წერილის ფორმა ამ ბრძანების დანართი N5-ის შესაბამისად;

7. დაევალოს სსიპ შოთა რუსთაველის ეროვნული სამეცნიერო ფონდის კონსულტანტს მეცნიერების პოპულარიზაციის საკითხებში (დ. გუგავას) წინამდებარე ბრძანების საჯარო გაცნობისათვის განთავსება ფონდის ვებ-გვერდზე: www.Rustaveli.org.ge.

4. ბრძანება ძალაშია საჯაროდ გამოქვეყნებისთანავე.

5. ბრძანება შეიძლება გასაჩივრდეს მისი ძალაში შესვლიდან ერთი თვის ვადაში თბილისის საქალაქო სასამართლოს ადმინისტრაციულ საქმეთა კოლეგიაში (მის: ქ. თბილისი, დ. აღმაშენებლის ხეივანი მე-12 კმ. №6).

სულხან სისაური



დამტკიცებულია
სსიპ – შოთა რუსთაველის ეროვნული სამეცნიერო ფონდის
გენერალური დირექტორის 2014 წლის 9 ივნისის № 51ბრძანებით

**ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის
სახელმწიფო სამეცნიერო გრანტების 2014 წლის კონკურსის პროგრამა და პირობები**

მუხლი 1. ზოგადი დებულებანი

1. ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის (შემდგომში – სტაჟირება) საგრანტო კონკურსის (შემდგომში - კონკურსი) მიზანია დამოუკიდებელ ექსპერტთა შეფასების საფუძველზე შეირჩნენ და დაფინანსდნენ ახალგაზრდა მეცნიერები, რომლებსაც საშუალება მიეცემათ, გაიარონ სტაჟირება უცხოეთის წამყვან სამეცნიერო ცენტრებში (ინსტიტუტები, უნივერსიტეტები და სხვ.).

მუხლი 2. კონკურსის მიზნები და სამეცნიერო მიმართულებები

1. კონკურსის მიზანია:

- ა) ახალგაზრდა მეცნიერთა სამეცნიერო-კვლევითი საქმიანობის ხელშეწყობა საგრანტო დაფინანსების გზით;
- ბ) ახალგაზრდა მეცნიერთა პროფესიული კვალიფიკაციის ამაღლება;
- გ) ახალგაზრდა მეცნიერთათვის საერთაშორისო სამეცნიერო კონტაქტების დამყარებასა და უცხოეთის წამყვან სამეცნიერო ცენტრებში პროფესიული გამოცდილების შეძენაში ხელშეწყობა.

2. ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის საგრანტო კონკურსი მოიცავს შემდეგ სამეცნიერო მიმართულებებს:

- ა) ქართველობითა;
- ბ) ჰუმანიტარული და სოციალური მეცნიერებები, ეკონომიკური მეცნიერებები;
- გ) საინჟინრო მეცნიერებები, მაღალტექნოლოგიური მასალები;
- დ) საინფორმაციო ტექნოლოგიები, ტელეკომუნიკაციები;
- ე) მათემატიკური მეცნიერებები;
- ვ) ფიზიკური და ქიმიური მეცნიერებები;
- ზ) სიცოცხლის შემსწავლელი მეცნიერებები;
- თ) სამედიცინო მეცნიერებები;
- ი) დედამიწის შემსწავლელი მეცნიერებები და გარემო;
- კ) აგრარული მეცნიერებები.

3. კონკურსი ტარდება „ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის სახელმწიფო სამეცნიერო გრანტის გაცემის წესისა და საგრანტო განაცხადის შეფასების კრიტერიუმების დამტკიცების შესახებ“ საქართველოს მთავრობის 2009 წლის 23 ივნისის N120 დადგენილებითა (შემდგომში - მთავრობის დადგენილება) და წინამდებარე ბრძანებით განსაზღვრული წესების შესაბამისად.

მუხლი 3. საგრანტო კონკურსის ადმინისტრირება

1. საგრანტო კონკურსის ადმინისტრირებას ახორციელებს სსიპ -შოთა რუსთაველის ეროვნული სამეცნიერო ფონდი (შემდგომში - ფონდი).

2. ფონდი უზრუნველყოფს:

- ა) კონკურსის გამოცხადებას;
- ბ) კონკურსის ჩატარების წესისა და საკონკურსო დოკუმენტაციის მიღების ვადების დადგენასა და საჯაროდ გამოცხადებას, აგრეთვე, საკონკურსო დოკუმენტაციისა და პროექტის შესრულების ანგარიშების ფორმების დამტკიცებას;
- გ) ექსპერტთა მიერ პროექტების შეფასებისთვის აუცილებელი პროცედურების ადმინისტრირებას;
- დ) ექსპერტებისა და კომისიისაგან მიღებულ შეფასებებზე დაყრდნობით დასაფინანსებლად შერჩეული პროექტების გამოვლენასა და ფონდის სამეცნიერო საბჭოზე დასამტკიცებლად წარდგენას;
- ე) გამარჯვებული საგრანტო პროექტების ავტორებთან საგრანტო ხელშეკრულების გაფორმებას, გამარჯვებული პროექტების საგრანტო დაფინანსებასა და მათი განხორციელების მონიტორინგს დადგენილი წესის შესაბამისად.

მუხლი 4. სუბიექტები

კონკურსში მონაწილეობის უფლება აქვს: საქართველოში მუდმივად მცხოვრებ არა უმეტეს 40 წლის საქართველოს მოქალაქეს, რომელიც ფლობს ინგლისურ ან იმ ქვეყნის სახელმწიფო ენას, რომელშიც გეგმავს სტაჟირებას, ეწევა სამეცნიერო-კვლევით საქმიანობას საქართველოს სამეცნიერო-კვლევით ან ავტორიზებულ უმაღლეს საგანმანათლებლო დაწესებულებაში, აქვს დოქტორის აკადემიური ან მასთან გათანაბრებული სამეცნიერო ხარისხი ან არის რეზიდენტი ან დოქტორანტი.

მუხლი 5. ძირითადი ფინანსური მოთხოვნები

1. ფონდიდან მოთხოვნილი საგრანტო დაფინანსება არ უნდა აღემატებოდეს 20 000 ლარს.
2. პროექტის საგრანტო დაფინანსება ხორციელდება ორ ეტაპად. ახალგაზრდა მეცნიერებთან გაფორმებული საგრანტო ხელშეკრულების შესაბამისად, ფონდი პირველ ეტაპზე ახალგაზრდა მეცნიერს უცხოეთში გამგზავრებამდე გადაურიცხავს მოპოვებული საგრანტო დაფინანსების სრული მოცულობის 90%-ს, ხოლო დარჩენილი 10%-ის გადარიცხვას ფონდი ახდენს ახალგაზრდა მეცნიერის საქართველოში დაბრუნებისას და ფონდში სრულყოფილი ანგარიშის წარმოდგენის შემდეგ.
3. ანგარიშსწორების საკითხები რეგულირდება ფონდსა და ახალგაზრდა მეცნიერს შორის გაფორმებული საგრანტო ხელშეკრულებით.
4. საგრანტო პროექტი შესაძლოა ითვალისწინებდეს პროექტის თანადაფინანსებას.
5. სამეცნიერო -კვლევითი სტაჟირება უნდა დასრულდეს არაუგვიანეს 2015 წლის 1 ოქტომბრისა.
6. საგრანტო პროექტის მაქსიმალური ხანგრძლივობაა 8 თვე.

მუხლი 6. პროექტის ბიუჯეტი

1. პროექტის ბიუჯეტი შესაძლოა ითვალისწინებდეს შემდეგ მუხლებს/ხარჯვით კატეგორიებს:
 - ა) საერთაშორისო მგზავრობის ხარჯები;

- ბ) დაზღვევისა და ვიზის ხარჯები;
- გ) ყოველთვიური ფიქსირებული სტიპენდია, რომელიც დაფარავს საცხოვრებელი ბინის, შიდა ტრანსპორტირების და კვების ხარჯებს.

2. ყოველთვიური ფიქსირებული სტიპენდია არ უნდა აღემატებოდეს 3000 ლარს. სტიპენდიის მოცულობა დამოკიდებულია სტაჟირების დღეების რაოდენობაზე. ყოველ დღეზე შესაძლებელია არაუმეტეს 100 ლარის მოთხოვნა. იმ შემთხვევაში, თუ სტაჟირების პერიოდი შეიცავს არასრულ თვეს, აღნიშნული პერიოდის სტიპენდია დაანგარიშებულ უნდა იქნას ფიქსირებული თვიური სტიპენდიის პროპორციულად.

მუხლი 7. კონკურსის ეტაპები

1. კონკურსის ეტაპებია:

- ა) კონკურსის გამოცხადება;
- ბ) საგრანტო პროექტების ფონდში წარდგენა;
- გ) საგრანტო პროექტების საკონკურსო პირობებთან შესაბამისობის დადგენა;
- დ) საკონკურსო პირობებთან შესაბამისობაში მყოფი საგრანტო პროექტების ორსაფეხურიანი შეფასება;
- ე) გამარჯვებული პროექტების გამოვლენა, ფონდის სამეცნიერო საბჭოს მიერ დამტკიცება და საგრანტო ხელშეკრულებების გაფორმება.

მუხლი 8. საკონკურსო დოკუმენტაციის წარდგენა

1. კონკურსში მონაწილეობისათვის პროექტს ფონდის ელექტრონულ ბაზაში არეგისტრირებს კონკურსანტი (ახალგაზრდა მეცნიერი). პროექტის რეგისტრაცია ხდება ფონდის ვებგვერდიდან: www.rustaveli.org.ge. იქვეა განთავსებული რეგისტრაციის ინსტრუქცია.

2. პროექტის ელექტრონული რეგისტრაციის ბოლო საფეხურია პროექტის საბოლოო წარდგენა (იხ. რეგისტრაციის ინსტრუქცია). პროექტის საბოლოო წარდგენის შემდეგ პროექტის ატვირთული ვარიანტის რედაქტირება შეუძლებელი იქნება.

3. პროექტის საბოლოო წარდგენის შემდეგ ელექტრონული ბაზა დააგენერირებს განცხადებას 2014 წლის „ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის სახელმწიფო სამეცნიერო გრანტების კონკურსში მონაწილეობის შესახებ”.

4. კონკურსში მონაწილეობისათვის ფონდში წარმოდგენილი უნდა იქნას:

- ა) ამ მუხლის მე-3 პუნქტით გათვალისწინებული განცხადება კონკურსში მონაწილეობის შესახებ (ხელმოწერით დადასტურებული, წარდგენილ უნდა იქნას ფონდის კანცელარიაში);
- ბ) საპროექტო წინადადება, რომელიც უნდა შეიცავდეს პროექტის დასაბუთებას, დაგეგმილი კვლევის აღწერას, დაგეგმილი კვლევის ზოგად გეგმა-გრაფიკს და მოსალოდნელი შედეგების აღწერა (უნდა აიტვირთოს ონლაინ რეჟიმში ფონდის ვებგვერდზე);
- გ) საგრანტო პროექტის რეზიუმე ქართულ და ინგლისურ ენებზე (ივსება ონლაინ რეჟიმში ფონდის ვებგვერდზე);
- დ) საგრანტო პროექტის ბიუჯეტი (ივსება ონლაინ რეჟიმში ფონდის ვებგვერდზე);
- ე) კონკურსანტის პირადობის დამადასტურებელი დოკუმენტის ასლი (პირადობის მოწმობა, პასპორტის პირველი გვერდი) (უნდა აიტვირთოს დასკანერებული სახით ფონდის ვებგვერდზე);

ვ) ოფიციალური მოწვევის სანოტარო წესით დამოწმებული ქართული თარგმანი უცხოეთის იმ უმაღლესი საგანმანათლებლო დაწესებულებიდან/სამეცნიერო-კვლევითი ორგანიზაციიდან, რომელშიც ახალგაზრდა მეცნიერი გეგმავს სტაჟირებას. მოწვევაში დადასტურებულ უნდა იქნეს უმაღლესი საგანმანათლებლო დაწესებულების/სამეცნიერო-კვლევითი ორგანიზაციის მზადყოფნა, ახალგაზრდა მეცნიერისათვის ხელმისაწვდომი გახადოს საკუთარი კვლევითი ინფრასტრუქტურა (ბიბლიოთეკა, ლაბორატორიული, კომპიუტერული ბაზა და ა.შ.). მოწვევაში მითითებული უნდა იყოს: სტაჟირების პერიოდი; არსებობის შემთხვევაში ინფორმაცია მოწვევი დაწესებულების მხრიდან თანადაფინანსების შესაძლებლობაზე (უნდა აიტვირთოს დასკანერებული სახით ფონდის ვებგვერდზე);

ზ) დოქტორის აკადემიური ან მასთან გათანაბრებული სამეცნიერო ხარისხის, რეზიდენტის ან დოქტორანტის სტატუსის დამადასტურებელი დოკუმენტი; თუ აკადემიური განათლების დამადასტურებელი დოკუმენტი უცხოეთშია გაცემული, პირი წარადგენს დოკუმენტის სანოტარო წესით დამოწმებულ თარგმანსა და სსიპ - განათლების ხარისხის განვითარების ეროვნული ცენტრის მიერ გაცემულ დოკუმენტს უცხოეთში მიღებული განათლების აღიარების შესახებ; თუ კონკურსანტი, რეზიდენტი ან დოქტორანტი სწავლობს უმაღლეს საგანმანათლებლო დაწესებულებაში, ოფიციალური დასტური იმის შესახებ, რომ სტაჟირება კონკურსანტისათვის არ წარმოშობს სწავლის საფასურთან დაკავშირებულ რაიმე სახის დამატებით ფინანსურ სირთულეს. (ორივე დოკუმენტი უნდა აიტვირთოს დასკანერებული სახით ფონდის ვებ გვერდზე);

თ) ამ დანართის მე-4 მუხლით გათვალისწინებული სამუშაო ადგილიდან (ასეთის არსებობის შემთხვევაში) დაწესებულების ხელმძღვანელის მიერ გაცემული ცნობა, რომლითაც დასტურდება აღნიშნულ დაწესებულებაში ახალგაზრდა მეცნიერის სამეცნიერო-კვლევითი საქმიანობა) (უნდა აიტვირთოს დასკანერებული სახით ფონდის ვებგვერდზე);

ი) ორი სარეკომენდაციო წერილი - ერთი - კონკურსანტის სასწავლო ან სამუშაო ადგილიდან, ხოლო მეორე - იმ პირისაგან, რომელიც კარგად იცნობს კონკურსანტის პროფესიულ უნარ-ჩვევებს, სამეცნიერო მოღვაწეობას ან/და მასთან ერთად ჩართულია სამეცნიერო კვლევაში (წარედგინება ფონდის კანცელარიაში ცალ-ცალკე დალუქული სახით);

კ) სტაჟირების გავლისათვის აუცილებელი უცხო ენის ან ინგლისური ენის ცოდნის დამადასტურებელი დოკუმენტი – სერტიფიკატი (ასეთის არსებობის შემთხვევაში) (უნდა აიტვირთოს დასკანერებული სახით ფონდის ვებგვერდზე);

ლ) ამ დანართის მე-5 მუხლის მე-4 პუნქტით გათვალისწინებული თანადაფინანსების შემთხვევაში, მისი დამადასტურებელი ოფიციალური დოკუმენტი, რომელშიც მითითებული უნდა იყოს თანადაფინანსების მოცულობა და საგრანტო პროექტის ბიუჯეტის ის ნაწილი, რომელსაც დაფარავს თანადაფინანსება და რომლის ანაზღაურება არ მოხდება ფონდის სახსრებიდან (უნდა აიტვირთოს დასკანერებული სახით ფონდის ვებგვერდზე).

5. პროექტების ელექტრონული რეგისტრაცია შესაძლებელი იქნება 2014 წლის 14 ივლისის 24 საათამდე. ელექტრონულად დარეგისტრირებული პროექტებისათვის ამ მუხლის მე-3 პუნქტით გათვალისწინებული დოკუმენტი ფონდში წარმოდგენილი უნდა იყოს არაუგვიანეს 2014 წლის 17 ივლისის 18 საათისა.

6. ვადის დარღვევის ან/და არასრული დოკუმენტაციის წარმოდგენის შემთხვევაში პროექტი მოიხსნება კონკურსიდან.

7. ფონდი უფლებამოსილია კონკურსის ნებისმიერ ეტაპზე კონკურსიდან მოხსნას პროექტები, რომლებიც არ შეესაბამება კონკურსის მიზნებისათვის დადგენილ მოთხოვნებს ან შეიცავს ყალბ ინფორმაციას.

8. ფონდი არ ანაზღაურებს პროექტის მომზადებისა და წარდგენისათვის გაწეულ ხარჯებს.

მუხლი 9. პროექტის შეფასება

1. საკონკურსოდ წარდგენილ საგრანტო პროექტებს ფონდში უტარდება წინასწარი ტექნიკური ექსპერტიზა, რომლის დროსაც მოწმდება საგრანტო პროექტის შესაბამისობა ფონდის მიერ დადგენილ მოთხოვნებთან.

2. წინასწარი ტექნიკური ექსპერტიზის შემდეგ საგრანტო პროექტები გაივლის შეფასების ორსაფეხურიან პროცედურას:

ა) პირველ საფეხურზე - მთავრობის დადგენილებით დამტკიცებული დებულების N2 დანართით გათვალისწინებული საგრანტო განაცხადების შეფასების კრიტერიუმების მიხედვით, დამოუკიდებელი ექსპერტების მიერ;

ბ) მეორე საფეხურზე - კონკურსანტის პრეზენტაცია-გასაუბრების გზით, ფონდის მიერ შექმნილი საკონკურსო კომისიის (შემდგომში - კომისია) მიერ.

3. მეორე საფეხურზე დაიშვებიან ის კონკურსანტები, რომლებიც პირველ საფეხურზე მთავრობის დადგენილების N2 დანართით გათვალისწინებული საგრანტო განაცხადების შეფასების კრიტერიუმების მიხედვით მიღებენ არააკლებ 75 ქულას (მაქსიმალური შეფასება – 100 ქულა).

4. მეორე საფეხურზე პრეზენტაცია-გასაუბრების გამართვის მიზანია წარდგენილი საგრანტო განაცხადით გათვალისწინებული კვლევის ჩასატარებლად საჭირო შესაბამისი უცხო ენის ცოდნის, სამეცნიერო-კვლევითი სტაჟირების უცხოეთში გავლის აუცილებლობისა და წარდგენილი საგრანტო პროექტის დასაბუთებულობის მიხედვით კონკურსანტების შეფასება.

5. გამარჯვებული საგრანტო პროექტები შეირჩევა პირველი და მეორე საფეხურების შედეგების მიხედვით.

მუხლი 10. საგრანტო ხელშეკრულება

1. დასაფინანსებლად შერჩეული პროექტების სამეცნიერო საბჭოს მიერ დამტკიცების შემდეგ ფონდი უზრუნველყოფს საგრანტო ხელშეკრულების გაფორმებას კონკურსში გამარჯვებულებთან.

2. გამარჯვების შემთხვევაში, ხელშეკრულების გაფორმებამდე კონკურსანტმა უნდა წარმოადგინოს ფონდის ვებგვერდზე ატვირთული ყველა დასკანერებული დოკუმენტის ორიგინალი და საბანკო ანგარიშის ნომერი, რომელზეც უნდა გადაირიცხოს საგრანტო თანხები.

მუხლი 11. ინტერესთა კონფლიქტი

1. დაუშვებელია ექსპერტი/კომისიის წევრი იყოს პირი, რომელიც არის ამავე კონკურსის მონაწილე.

2. არ შეიძლება პროექტების დამტკიცების პროცესში მონაწილეობდეს სამეცნიერო საბჭოს ის წევრი ან იყოს ექსპერტი/კომისიის წევრი პირი:

ა) რომელსაც აქვს საერთო პუბლიკაცია პროექტის მონაწილეებთან ან მონაწილეობდა მათთან ერთსა და იმავე სამეცნიერო-კვლევით პროექტში ან მუშაობს ერთსა და იმავე სტრუქტურულ ერთეულში (ფაკულტეტი, ინსტიტუტი, დეპარტამენტი);

ბ) რომელმაც შესაძლოა მიიღოს პროფესიული, ფინანსური ან პირადი სარგებელი პროექტის გამარჯვების ან დამარცხების შემთხვევაში;

გ) რომელსაც აქვს პროექტის თემატიკის ან კვლევის მეთოდიკის შესახებ პროექტის ავტორებისაგან ფუნდამენტურად განსხვავებული პოზიცია;

დ) რომელიც თვითონ არის დაინტერესებული მხარე პროექტში; პროექტი მონაწილე დაინტერესებული მხარის ნათესავია; პროექტი მონაწილე დაინტერესებული მხარის წარმომადგენელია; იყო ექსპერტი მოცემულ საკითხთან დაკავშირებით; შრომით ურთიერთობაშია პროექტში მონაწილე დაინტერესებულ მხარესთან.

3. ნათესავად ჩაითვლება:

- ა) პირდაპირი ხაზის ნათესავი;
- ბ) მეუღლე, და-ძმა და პირდაპირი ხაზის ნათესავი;
- გ) აღმავალი ხაზის პირდაპირი ნათესავის და-ძმა;
- დ) და-ძმა, მათი მეუღლები და შვილები.

4. სამეცნიერო საბჭოს წევრი და ექსპერტი/კომისიის წევრი ვალდებულია სამეცნიერო საბჭოს/ფონდის გენერალურ დირექტორს ოფიციალურად აცნობოს ამ მუხლში აღნიშნული გარემოებისა და თვითაცილების შესახებ.

5. იმ შემთხვევაში, თუ ინფორმაცია ექსპერტის/კომისიის წევრის ინტერესთა კონფლიქტის შესახებ ფონდისთვის ცნობილი გახდება დასაფინანსებლად შერჩეული პროექტების სამეცნიერო საბჭოს მიერ დამტკიცებამდე, ფონდი უფლებამოსილია იმსჯელოს ექსპერტის/კომისიის წევრის მიერ გაკეთებული შეფასების გაუქმებასთან დაკავშირებით.

მუხლი 13. საგრანტო პროექტის შესრულების მონიტორინგი

1. ფონდი ახორციელებს დაფინანსებული პროექტების შესრულების მონიტორინგს, რაც ითვალისწინებს გრანტით დაფინანსებული პროექტის შესრულების კონტროლს როგორც ფინანსური, ისე პროგრამული თვალსაზრისით.

2. კონკურსში გამარჯვებული პროექტის წარმდგენი ახალგაზრდა მეცნიერი ვალდებულია ფონდს წარუდგინოს პროგრამული და ფინანსური ანგარიშები ფონდის მიერ დადგენილი ფორმების მიხედვით.

3. ანგარიშების დამტკიცების შემთხვევაში ახალგაზრდა მეცნიერს გადაერიცხება ანაზღაურების დარჩენილი 10% და დაიწყება პროექტის დახურვის პროცედურა.

4. ფონდი უფლებამოსილია საქართველოს კანონმდებლობის შესაბამისად შეაჩეროს ან შეწყვიტოს კონკურსში გამარჯვებული ახალგაზრდა მეცნიერის დაფინანსება პროექტის ამოცანების შეუსრულებლობის, ყალბი მონაცემების აღმოჩენის, აგრეთვე კანონმდებლობით გათვალისწინებულ სხვა შემთხვევებში.

5. გრანტის მიმღები ვალდებულია სტაურების დასრულებიდან (საქართველოში დაბრუნების შემდეგ) 2 თვის ვადაში ჩაატაროს პროექტის პრეზენტაცია/საჯარო ლექცია/სემინარი სტაურებისა და მიღებული გამოცდილების შესახებ.

დანართი №2

სსიპ – შოთა რუსთაველის ეროვნული სამეცნიერო ფონდის
გენერალური დირექტორის 2014 წლის 9 ივნისის № 51ბრძანებით

ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის
სახელმწიფო სამეცნიერო გრანტების 2014 წლის კონკურსში მონაწილეობის შესახებ

განცხადება

წარმოგიდგენთ რა ინფორმაციას საკონკურსო პროექტის შესახებ, ვადასტურებ, რომ გავეცანი „ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის სახელმწიფო სამეცნიერო გრანტების გაცემის წესისა და საგრანტო განაცხადის შეფასების კრიტერიუმების დამტკიცების შესახებ“ საქართველოს მთავრობის 2009 წლის 23 ივნისის #120 დადგენილებას, აგრეთვე, „, ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის სახელმწიფო სამეცნიერო გრანტების 2014 წლის კონკურსის გამოცხადების, კონკურსის პირობებისა და საკონკურსო დოკუმენტაციის ფორმების დამტკიცების შესახებ“ სსიპ შოთა რუსთაველის ეროვნული სამეცნიერო ფონდის გენერალური დირექტორის ბრძანებას და ხელმოწერით ვაცხადებ კონკურსის პირობებზე თანხმობას. ასევე, ვადასტურებ, რომ ჩემ მიერ პროექტის შესახებ ფონდის ელექტრონულ სისტემაში ატვირთული ინფორმაცია ზუსტია და არ შეიცავს ყალბ მონაცემებს.

ვეთანხმები, რომ ფონდი უფლებამოსილია, ნებისმიერ დროს გადაამოწმოს ამ ინფორმაციის სიზუსტე და რაიმე სიყალბის აღმოჩენის შემთხვევაში მოხსნას აღნიშნული პროექტი კონკურსიდან. გთხოვთ, განიხილოთ ჩემი პროექტი „ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის სახელმწიფო სამეცნიერო გრანტების“ 2014 წლის კონკურსში მონაწილეობის მისაღებად

1. პროექტის შიფრი YS/.../.../14
2. პროექტის სახლწოდება
3. ფონდიდან მოთხოვნილი საგრანტო დაფინანსება (ლარი):
4. პროექტის ხანგრძლივობა (თვეები):
5. კონკურსანტის სახელი, გვარი
6. ფონდის ელექტრონულ ბაზაში პროექტის საბოლოო წარდგენის თარიღი

ხელმოწერა

დანართი №3

სსიპ – შოთა რუსთაველის ეროვნული სამეცნიერო ფონდის
გენერალური დირექტორის 2014 წლის 9 ივნისის № 51ბრძანებით

**"ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის
სახელმწიფო სამეცნიერო გრანტების" კონკურსში წარსადგენი**

საპროექტო წინადადების ფორმა

1.	საგრანტო პროექტის სახელწოდება
2.	სამეცნიერო კვლევის აქტუალობის დასაბუთება; (აღწერილი განსახორციელებელი სამეცნიერო კვლევა არის მიმდინარე კვლევის ნაწილი, თუ ახალი პროექტი)
3.	არსებული გამოცდილების მიმოხილვა
4.	კვლევის მიზანი, დასახული ამოცანები
5.	კვლევის მეთოდიკა
6.	უცხოეთში სტაჟირების გავლის აუცილებლობის დასაბუთება
7.	სტაჟირების მოსალოდნელი შედეგები და მიღებული გამოცდილების საქართველოში შემდგომი გამოყენების დასაბუთება
8.	სტაჟირების მნიშვნელობა ახალგაზრდა მეცნიერის პროფესიული განვითარებისათვის

დანართი №4

სსიპ – შოთა რუსთაველის ეროვნული სამეცნიერო ფონდის
გენერალური დირექტორის 2014 წლის 9 ივნისის № 51ბრძანებით

საგრანტო პროექტის ბიუჯეტი

ხარჯის კატეგორია	სტაჟირების პერიოდი	ლარი (GEL)
ყოველთვიური სტიპენდია		
საერთაშორისო მგზავრობა		
ვიზა		
დაზღვევა		

სულ

0,00

დანართი №5

სსიპ – შოთა რუსთაველის ეროვნული სამეცნიერო ფონდის
გენერალური დირექტორის 2014 წლის 9 ივნისის № 51ბრძანებით

სარეკომენდაციო წერილი

(ივნება რეკომენდაციონის მიერ კონფიდენციალურად; ფონდში წარმოდგენილი უნდა იქნას
დალუქული და რეკომენდაციონის მიერ ხელმოწერილი კონვერტით)

ახალგაზრდა მეცნიერის პირადი მონაცემები:

სახელი, გვარი	
აკადემიური/სამეცნიერო ხარისხი	
საკონტაქტო ინფორმაცია (ტელეფონი, ფაქსი, ელ-ფოსტა)	
ამჟამინდელი საქმიანობა (თანამდებობა)	
სტაჟირებისას განსახორციელებლი კვლევის დასახელება	

რეკომენდაციონის პირადი მონაცემები:

სახელი, გვარი	
თანამდებობა/აკადემიური თანამდებობა	
აკადემიური/სამეცნიერო ხარისხი	
საკონტაქტო ინფორმაცია (ტელეფონი, ფაქსი, ელ-ფოსტა)	
ამჟამინდელი საქმიანობა (თანამდებობა, დაწესებულება/ორგანიზაცია) სხვ.	

- რამდენი წელია/თვეა იცნობთ ახალგაზრდა მეცნიერს და რა პროფესიული და საქმიანი ურთიერთობა გაკავშირებთ მასთან

- გთხოვთ, შეაფასოთ ახალგაზრდა მეცნიერი შემდეგი ნიშნების მიხედვით:

	უმაღლესი	კარგი	დამაკმაყოფილ ებები	სუსტი
1	პროფესიული უნარ-ჩვევები			
2	სამეცნიერო პრობლემატიკაში ორიენტირების უნარი			
3	მიზანდასახულობა			
4	პასუხისმგებლობა			
5	მოქნილი აზროვნება			
6	კომუნიკაციურობა და პროფესიული ეთიკა			

- გთხოვთ, განმარტოთ რატომ აძლევთ ახალგაზრდა მეცნიერს რეკომენდაციას 2013 წელს “ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის საგრანტო” პროექტის დაფინანსების გაცემის მიზნით კონკურსში მონაწილეობის მისაღებად.

- რამდენად მიეხმარება ახალგაზრდა მეცნიერს სტაჟირება თქვენს დაწესებულებაში მომავალი საქმიანობისათვის;

- სურვილის შემთხვევაში მიუთითეთ დამატებითი ინფორმაცია

რეკომენდატორის ხელმოწერა:

თარიღი: